

O Fautuaga Aoga mo Taitai Perisitua

AUALA E FAATELEINA AI LE GALUEGA A MISIONA MO AUAUNAGA

Na ta'ua e le Au Perisitene Sili ia mea nei i la latou tusi i taitai ma tagata o le ekalesia lea na tusia ia Novema 2018:

O se misiona mo auaunaga o se taulaga e taliaina i le Alii pe a oo ina le mafai ona fai se misiona tala'i. O le mea lea, o le faatatau i se misiona tala'i faapea o se "misiona ma'o'i," "o se misiona masani," po o se "misiona faaagaifanua" e le sa'o ma ua tatau ona lafoa'ia [na faaupuga]. O faifeautalai uma o ni sui o le Alii ma e latou te faatinoina Lana galuega.

E tele ni fautuaga aoga ua faailoa atu e fesoasoani ai i le polokalama mo faifeautalai mo auaunaga e faaaau ai ona faatauaina le vaai mamao a le Au Perisitene Sili. O le uluai matauga e faapea ua alualu i luma le galuega ma e sili ia suiga o le aganuu pe a taulai atu ia taitai perisitua (e aofia ai ma Fitugafulu Eria, perisitene o siteki ma itu, ma epikopo ma perisitene o paranesi) i mea nei:

- a. Tuusa'o atu ma faifai pea le lagolago tuugutu ma tusitusia o le polokalama o faifeautalai mo auaunaga.
- b. Tuusa'o atu ma faifaipea le lagolago tuugutu ma tusitusia o ulugalii faamisiona mo auaunaga.
- c. Ia fautuaina ia perisitene o siteki ma itu, epikopo ma perisitene o paranesi, ma aufono a uarota ma siteki e fono e le aunoa ma galulue faatasi ma taitai misiona mo auaunaga.
- d. Valaaulia taitai misiona mo auaunaga ia i ai i fonotaga a aufono o a latou siteki po o itu, uarota po o paranesi ma fono faamaopopo.
- e. Valaaulia taitai misiona mo auaunaga e lauga i konafesi a siteki, sauniga faamanatuga, sauniga o Aso Sa lona lima, ma isi.
- f. Valaaulia taitai misiona mo auaunaga e fono ma au perisitene o Aualofa.
- g. Fatu se aganuu e faatutusa ai le taulimaina o faifeautalai o auaunaga ma faifeautalai tala'i.
- h. E feutagai perisitene o siteki ma le taitai misiona mo auaunaga i le lotoifale a o lei oo i le taimi e toe vave faafoi mai ai se faifeautalai.
- i. E faaaau pea ona i ai i perisitene o siteki le tiutetauave faale-ekalesia mo faifeautalai mo auaunaga o loo galulue mai le latou siteki. O le fatuina o se sootaga vavalalata, lelei, fealofani i le va o le perisitene o le siteki ma le faifeautalai mo auaunaga o le a fesoasoani i le faifeautalai e lagonaina le taufai talisapaia tutusa e le Alii. Ua talosagaina e le Au Perisitene Sili e faapea ia fono ia faifeautalai ma o latou taitai faale-ekalesia a itiiti o le faa-tasi i kuata taitasi. I le 2019 e na o le 56 pasene o faifeautalai o auaunaga na maua lenei avanoa.

